



Sarajevo,

Broj:

Na osnovu člana 18. Stav 1. Zakona o javnim nabavkama („Službeni glasnik BiH“ broj 39/14), člana 37. Statuta Univerzitetskog kliničkog centra Sarajevo, člana 6 i 7 Pravilnika o javnim nabavkama broj 0202-14542 od 29.03.2017 godine Generalna direktorica donijela je:

ODLUKU

o pokretanju postupka izbora najpovoljnijeg ponuđača za vršenje usluga održavanja medicinskih aparata/sistema i nabavka osnovnih rezervnih dijelova proizvođača Drager

I

Ovom odlukom odobrava se ponovno pokretanje postupka izbora najpovoljnijeg ponuđača za vršenje usluga održavanja medicinskih aparata/sistema i nabavka osnovnih rezervnih dijelova proizvođača Drager. Nabavka iz prethodnog stava provest će se primjenom pregovaračkog postupka sa objavom obavještenja. Objava obavještenja o nabavci će se izvršiti na portalu E- nabavke Agencije za javne nabavke.

II

Za realizaciju nabavke iz člana 1. ove odluke odobravaju se finansijska sredstva u iznosu od 465.000,00 KM bez PDV-a za period od 12 (dvanaest) mjeseci uz zaključenje okvirnog sporazuma. Sredstva iz prethodnog stava planirana su Privremenim planom nabavki za 2017 godinu redni broj 21 „Usluge“ i 74 „Robe“ (Odluka o usvajanju Privremenog plana javnih nabavki Kliničkog centra Univerziteta u Sarajevu za 2017 godinu, broj 0202-634 od 06.01.2017 godine). Uslovi plaćanja će biti predmetom pregovaračkog postupka.

III

Realizaciju nabavke iz člana 1. ove odluke provest će Tehnički sektor putem Komsije za sprovođenje postupka javne nabavke u skladu sa postupcima regulisanim Zakonom o javnim nabavkama, podzakonskim aktima i općim aktima ugovornog organa KCUS-a.

IV

Zaključenje ugovora ili drugog pravnog posla u cilju realizacije predmetne nabavke provesti će se u skladu sa ovlaštenjima utvrđenim Zakonom o javnim nabavkama, podzakonskim aktima i općim aktima ugovornog organa KCUS-a.

V

Odluka stupa na snagu danom donošenja.

OBRAZLOŽENJE

Tehnički sektor, Služba za održavanje medicinskih uređaja obratila se Generalnoj direktorici sa zahtjevom za saglasnost za pokretanje postupka nabavke. Nakon dobijene saglasnosti pristupilo se izradi Odluke o pokretanju postupka izbora najpovoljnijeg ponuđača za vršenje usluga održavanja medicinskih aparata/sistema i nabavka osnovnih rezervnih dijelova proizvođača Drager. Procjenjena vrijednost nabavke je 465.000,00 KM bez PDV-a.

Postupak nabavke je prvobitno pokrenut dana 19.12.2016 godine Odlukom o pokretanju broj 0203-54325. Na osnovu izvještaja Komisije za javne nabavke broj 0305-14520 od 29.03.2017 godine Generalna

direktorica je donijela Odluku o poništenju postupka javne nabavke a u skladu sa članom 69. stav 2. tačka e) Zakona o javnim nabavkama.

Analizirajući predmetni zahtjev i uzimajući u obzir gore navedene činjenice, utvrđeno je da su ispunjene sve pretpostavke za ponovno pokretanje postupka, te je shodno Zakonu o javnim nabavkama, te usvojenim općim aktima ugovornog organa dostavljen predmetni zahtjev Generalnoj direktorici na konačno odobravanje .

Cijeneći navedeno donesena je odluka kao u dispozitivu.

GENERALNA DIREKTORICA:

Prof.dr. Sebija Izetbegović



Handwritten signature and initials in blue ink.